

ETNE KONTROLLUTVAL

PROTOKOLL

Måndag 11. mai 2015 blei det halde møte i Etne kontrollutval under leiing av utvalsleiar Ståle Tunesvik.

MØTESTAD:	Etne Tinghus, formannskapssalen
MØTESTART/-SLUTT:	kl. 13.00 – kl. 14.35
MØTANDE MEDLEMER:	Ståle Tunesvik (Sp), Lars Ebne (Krf), Trude Enge (Frp), Ivan Kaldheim (H) og Elisebeth Aasheim (Ap)
FØRFALL:	Ingen
MØTANDE VARAMEDLEMER:	Ingen
FRÅ SEKRETARIATET MØTTE:	Rådgjevar Odd Gunnar Høie, Haugaland Kontrollutvalgssekretariat IKS
FRÅ REVISJONEN:	Revisor Randi Thorbjørnsen – KPMG AS, gjekk frå under handsaming av sak 9
ANDRE SOM MØTTE:	Rådmann Elling Hetland i sakene 5 – 8 og leiar økonomi Vegard Bang
MERKNADER TIL INNKALLING:	Ingen
MERKNADER TIL SAKLISTE:	Ingen

FØLGJANDE SAKER BLEI HANDSAMA:

SAK 5/15 GODKJENNING AV PROTOKOLL FRÅ MØTE 09.02.15

Sekretariatet si innstilling:

Protokollen frå møte i kontrollutvalet 09.02.15 blir godkjent slik han ligg føre.

Handsaming i kontrollutvalet 11.05.15:

Protokollen blei godkjent utan merknader.

Samrøystes vedtak i kontrollutvalet 11.05.15:

Protokollen frå møte i kontrollutvalet 09.02.15 blir godkjent slik han ligg føre.

SAK 6/15 REFERAT- OG ORIENTERINGSSAKER 11.05.15

10. Statusrapport pr. mai 2015
11. Kontrollrapport 2014 vedk. skatteoppkrevjarfunksjonen – frå Skatteetaten
12. Representantskapsmøte – 27.03.15 - Samarbeidsrådet for Sunnhordland
13. Representantskapsmøte – 28.04.15 - Interkommunalt arkiv Hordaland
14. Representantskapsmøte – 11.06.15 på Fitjar – Haugaland Vekst IKS
15. Representantskapsmøte – 27.04.15 - Haugaland Kontrollutvalgssekretariat IKS
16. Representantskapsmøte – 20.05.15 - HIM IKS
17. Representantskapsmøte – 18.05.15 på Stord – Krisesenter Vest IKS
18. Kommunal Rapport 19.03.15 om rekneskapsresultata i landets kommunar
19. Kommunal Rapport 20.03.15 om regjeringa si oppgavemelding

Handsaming i kontrollutvalet 11.05.15:

Sekretær gjorde greie for referatsakene. Han delte ut «jubileumspennar» i samband med at Haugaland kontrollutvalgssekretariat IKS markerte 10-års jubileum. Leiar kommenterte at sekretariatet hadde gjennomført ei brukarundersøking med gode tilbakemeldingar. Utvalet hadde ingen merknader til dei andre referatsakene.

Samrøystes vedtak i kontrollutvalet 11.05.15:

Referatsakene 10 - 19 vert tatt til orientering.

SAK 7/15 OPPFØLGING AV REVISJONSRAPPORT - «SJØLVKOST»

Sekretariatet si innstilling:

Kontrollutvalet i Etne tek rådmannen si tilbakemelding om oppfølging av rapporten «Sjølvkost» til orientering.

Melding om oppfølging vert sendt kommunestyret til orientering.

Handsaming i kontrollutvalet 11.05.15:

Leiar innleia om bakgrunn for saka. Rådmannen orienterte om deira arbeid med oppfølging av rapporten. Han viste til notatet som var vedlagt saka. Teknisk eining nytta no ein modell frå «Momentum selvkost», noko som betra både budsjettering og etterkalkylar. Arbeidsgruppa som arbeider med å lage ei lokal gebyrforskrift var ikkje ferdig med sitt arbeid, grunna stort arbeidspress. Det var også stort arbeidspress som gjorde at det tok noko tid å få på plass ein hovudplan på vassforsyning. Medlemmene fekk svar på spørsmål. Utvalsleiar fremma eit tillegg om at utvalet skulle få ei ny oppfølging på fyrste møte i 2016. Utvalet slutta seg til innstilling og leiar sitt tillegg.

Samrøystes vedtak i kontrollutvalet 11.05.15:

Kontrollutvalet i Etne tek rådmannen si tilbakemelding om oppfølging av rapporten «Sjølvkost» til orientering.

Kontrollutvalet ønskjer ei ny oppfølging av rapporten om «Sjølvkost» på fyrste møte i 2016.

Melding om oppfølging vert sendt kommunestyret til orientering.

SAK 8/15 ETNE KOMMUNE - UTTALE TIL ÅRSREKNESKAPEN FOR 2014

Sekretariatet si innstilling:

Kontrollutvalet i Etne har fylgjande/ingen kommentarar til årsrekneskapen 2014 og vedtek uttale slik den ligg føre / med desse endringane/tillegga.

Handsaming i kontrollutvalet 11.05.15:

Leiar av økonomi nytta PowerPoint-presentasjon og gjorde greie for hovudtala i rekneskapen. Det var eit svakt økonomisk resultatet for 2014. Årsaka til dette var mellom anna skattesvikt, høge pensjonsutgifter og meirforbruk i einingane.

Han gjorde greie for nøkkeltal, utvikling av inntekter og utgifter, pensjonsutgifter og premieavvik. Høgast meirforbruk hadde det vore innan pleie- og omsorg og barnehagane. Revisor orienterte om deira arbeid. Det var avlevert ein rein revisjonsmelding og det hadde ikkje vore grunnlag for årsoppgjersbrev dette året.

Medlemmene drøfta den økonomiske situasjonen. Leiar økonomi og rådmannen svara på spørsmål. Utvalet slutta seg til framlegget til uttale.

Samrøystes vedtak i kontrollutvalet 11.05.15:

Kontrollutvalet i Etne vedtek følgjande uttale til årsrekneskapen 2014:

Etne kommune sin årsrekneskap for 2014 er gjort opp med eit rekneskapsmessig mindreforbruk/overskott på 0 kroner.

Kontrollutvalet har merka seg at rekneskapen viser eit negativt netto driftsresultat med 8,5 million kroner.

Utvalet deler rådmannen si uro for det svake økonomiske resultatet i 2014.

Under tilvising til utvalet sin eigen gjennomgang av dokumenta og revisjonsmeldinga, meiner kontrollutvalet at årsrekneskapen totalt sett gjer eit forsvarleg uttrykk for resultatet av kommunen si verksemd for 2014 og for kommunen si økonomiske stode pr. 31.12.14.

Kontrollutvalet i Etne har ingen merknader til Etne kommune sin rekneskap ut over det som går fram av revisor si revisjonsmelding.

SAK 9/15 KONKURRANSEGRUNNLAG - ANBOD PÅ KJØP AV REVISJONSTENESTER 2016-2020

Sekretariatet si innstilling:

Etne kontrollutval godkjenner utkast til konkurransegrunnlag for open anbodskonkurranse for revisjonstenestene frå 2016 slik det ligg føre/med disse endringane.

Kontrollutvalet ber sekretariatet sette i gang arbeidet med å få lagt ut anbod for kjøp av revisjonstenester i Doffin.no og TED-basen før sommaren 2015 og sak om val av ny revisor for perioden 2016-2020 vert lagt fram hausten 2015.

Kontrollutvalsleiar får fullmakt til å godkjenne endeleg konkurransegrunnlag.

Saka vert sendt kommunestyret til orientering.

Handsaming i kontrollutvalet 11.05.15:

Sekretær orienterte om bakgrunnen for saka. Leiar økonomi gjorde greie for deira erfaring med det noverande revisjonsselskapet. Han meinte at samarbeidet med revisor fungerte bra.

Utvalet drøfta saka, og blei samd om at pris skulle utgjere maksimalt 60 % av tildelingskriteriene.

Utvalet gav utvalsleiar mynde til å godkjenne endeleg konkurransegrunnlag. Han får innspel/råd frå leiar av økonomi.

Samrøystes vedtak i kontrollutvalet 11.05.15:

Etne kontrollutval godkjenner utkast til konkurransegrunnlag for open anbodskonkurranse for revisjonstenestene frå 2016 slik det ligg føre/med disse endringane.

Kontrollutvalet ber sekretariatet sette i gang arbeidet med å få lagt ut anbod for kjøp av revisjonstenester i Doffin.no og TED-basen før sommaren 2015 og sak om val av ny revisor for perioden 2016-2020 vert lagt fram hausten 2015.

Kontrollutvalsleiar får fullmakt til å godkjenne endeleg konkurransegrunnlag, der pris skal utgjere maksimalt 60% av tildelingskriteriene.

Saka vert sendt kommunestyret til orientering.


EVENTUELT

Ingen saker blei meldt.

Neste møte: måndag 21. september 2015, kl. 13.00

Etne/Aksdal, 11. mai 2015

Ståle Tungesvik
Kontrollutvalsleiar


Odd Gunnar Høie
Utvalssekretær